



Broj: 01/04-14-6977-5/19
Sarajevo, 07.11.2019.

Na osnovu čl.70. Zakona o javnim nabavkama BiH ("Službeni glasnik BiH", broj:39/14), a u vezi sa članom 38. Statuta Grada Sarajeva ("Službene novine Kantona Sarajeva", broj:34/08-Prečišćeni tekst), gradonačelnik Grada Sarajeva, donosi

O D L U K U
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača **Konzorcij koga čine JP „SARAJEVO d.o.o. ul. Brodac broj 1, 71000 Sarajevo i BMS Vogošća ul. Kobilja glava broj 182**, Konzorcij zastupa JP SARAJEVO d.o.o. Sarajevo ponuda zaprimljena na protokol ugovornog organa dana 07.11.2019.godine, u postupku provođenja javne nabavke putem Pregovaračkog postupka bez objave obavještenja o nabavci za pružanje usluga „Organizacija dočeka Nove 2020. godine u gradu Sarajevu“.

II

Sa ponuđačem „JP SARAJEVO d.o.o. Sarajevo“ zaključit će se Ugovor o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-14-6977-2/19 od 04.11.2019. godine, pokrenut je postupak javne nabavke „Organizacija dočeka Nove 2020. godine u gradu Sarajevu“, putem Pregovaračkog postupka bez objave obavještenja o nabavci.

Poziv za dostavljanje ponude za učešće u Pregovaračkom postupku bez objave obavještenja o nabavci broj: 01/04-14-6977-4/19, od 04.11.2019. godine, upućen je ponuđaču „JP Sarajevo d.o.o“, koji ima **ekskluzivno pravo –OVLAŠĆENJE -PUNOMOĆ** da zastupa Željko Joksimović kao glavnog izvođača na dan 31.12.2019. godine, u okviru organizacije dočeka Nove 2020. godine u gradu Sarajevu.

U određenom roku za dostavljanje ponuda, ponuđač „JP Sarajevo d.o.o. “, dostavio je ponudu.

Otvaranje ponuda izvršeno je na sastanku Komisije za javnu nabavku, 07.11.2019.godine, imenovane Rješenjem gradonačelnika br:01/04-14-6977-3/19 od 04.11.2019.godine. Komisija za javnu nabavku izvršila je uvid u Ponudu, te utvrdila da je ponuđač dostavio svu traženu dokumentaciju u skladu sa uslovima navedenim u tenderskoj dokumentaciji.

Ponuđač je dostavio cijenu početne ponude u iznosu od 308.132,50 KM sa PDV-om, što znatno premašuje osigurana budžetska sredstva za ovu nabavku.

Nakon obavljenih pregovora sa predstavnikom ponuđača, dogovoreno je da ponuđač dostavi cijenu konačne ponude koja je umanjena za 5% u odnosu na početnu ponudu,.



Dogovorena je dinamika isplate sredstava i to kako slijedi:

-avans u iznosu od 100.000,00 KM najkasnije do 01.12.2019. godine, a ostatak najkasnije do 10.01.2020. godine.

Dogovoreno je da Grad Sarajevo preuzme obavezu obezbjeđenja ekipe hitne medicinske pomoći, ekipe vatrogasne brigade, preuzme obavezu organizacije vatrometa kao i fizičko obezbjeđenje samog događaja, odnosno angažuje zaštitarsku agenciju i obezbjedi pokretne toalete.

Ponuđač je dana 07.11.2019. godine dostavio konačnu ponudu sa ponuđenom cijenom od 249.500,00 KM bez PDV-a odnosno 291.915,00 KM sa PDV-om.

Komisija za javnu nabavku, dana 07.11.2019. godine, sačinila je Zapisnik o ocjeni ponuda i dala preporuku gradonačelniku da se ugovor o pružanju usluga „Organizacija dočeka Nove 2020. godine u gradu Sarajevu“ dodjeli ponuđaču **„Konzorcij koga čine JP „SARAJEVO d.o.o. ul. Brodac broj 1, 71000 Sarajevo i BMS Vogošća ul. Kobilja glava broj 182,** Konzorcij zastupa JP SARAJEVO d.o.o. sa ponuđenom cijenom u iznosu od 249.500,00 KM bez PDV-a odnosno 291.915,00 KM sa PDV-om.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka. Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno odredbama člana 21. tačka c) Zakona o javnim nabavkama BiH, gradonačelnik Grada Sarajeva je prihvatio preporuku Komisije na osnovu koje je donesena ova odluka.

POUKA O PRAVNOM LIJEKU: Protiv ove odluke može se uputiti žalba ugovornom organu u pismenoj formi u roku od deset (10) dana od dana prijema iste.

Gradonačelnik Grada Sarajeva

mr. Abdulah Skaka

DOSTAVITI:

- Ponuđačima
- a/a